

ROD BLONG STATEM WAN PRI-SKUL



Pri Skul Seksen

Ministri Blong Edukesen

PORT VILA, VANUATU

**OL STEP BLONG MEKEM BIFO YU
SAVE LAESENSEM PRI SKUL
BLONG YU.**

LAESENSEM wan **PRI-SKUL** hemi
minim wanem?

“Pri-Skul” i minim haos we ten o mo pikinini i usum blong statem edukesen blong olgeta (bae ples ia i no praevet haos blong tija or haos blong bos blong pri skul).



Introdaksen:

Yumi everi wan i wantem givim wan gudfala stat long edukesen blong pikinini blong yumi. Yumi wantem se ol Eli Jaelhud Edukesen sevis i kivim wan kwaliti environment we bai i save helpem ol pikinini blong oli save lan mo tu bai i sapotem ol tija mo ol perens blong oli save sapotem laning blong ol pikinini. Bae ol perens i lukluk mo long ol pri-skul we oli rejista wetem Ministri blong Edukesen from i kat ol kraeteria we oli mas folem bifo oli save wok. Ministri blong Edukesen i kat ol Kodineta we oli stap rere blong helpem yu wetem ol advaes long saed blong :

- Ol plan mo mesamen blong wan haos.
- Toktok wetem ol man long komuniti mo Ministri blong Edukesen.
- Dvelopem aotsaed plei eria long pri skul
- Ol stret ekwipmen mo samting blong pleplei
- Wanem kaen man/woman i save wok long wan pri skul (olsem we EJKE Polisi i talem)
- Ol pepa wok blong ranem wan pri skul.

*Wanem nao **rol** blong Ministri blong Edukesen blong save helpem yu blong statem Pri - Skul blong yu.*

Ministri blong Edukesen nomo i kat paoa blong laesensem ol pri-skul. Ol Eli Jaelhud Kodineta long ol Provins, ZCA mo Ki Tija (KT) blong ol Pri Skul bae oli ko jekem ol pri skul mo oli save talem hu nao bae i save kasem o no kasem Laesens folem ol kraeteria we i stap.

Ol Provinsol Eli Jaelhud Kodineta, ol Ki Tija mo ol ZCA i stap wok klosap wetem Ministri blong Edukesen blong mekem sua se ol toktok/advaes i stret mo i sem mak.



Haos blong Sandbij we i drae mo wetwet

Folem 10 Step ia blong Kasem Laesens

STEP 1. Faenem ol infomesen.

Faenemaot sipos i kat nid blong statem wan mo pri skul long komuniti ia?

- ✓ Faenemaot hamas pikinini i stap long komuniti we bae oli redi blong statem pri skul?.
- ✓ Faenemaot sipos i kat wan pri skul i stap finis long komuniti o klosap? No gat nid blong kat 2 pri skul.
- ✓ Tekem nem blong ol pikinini mo yia blong olgeta.
- ✓ Holem wan pablik miting.

STEP 2. Faenemaot ol stret rod blong statem wan pri skul.

- ✓ Hemi impoten se yu kasem wan kopi blong EJKE Polisi mo yu mas save gud ol rul mo ol gaedlaen we i stap insaed.

STEP 3: Kontaktem Provinsol Pri Skul Kodineta, Ki Tija or ZCA long Provins blong yu.

- ✓ Ko toktok wetem Pri Skul Kodineta, Ki Tija o wan ZCA blong hemi save helpem yu blong statem gud pri skul blong yu.

"Wan gudfala pri skul i ples we pikinini i wantem lanem samting!"



STEP 4: Tingabaot hamas mane bae yu spendem long projek ia.

- ✓ Hemi impoten tumas blong kat gud planing.
- ✓ I no mas kat raorao long kraon we pri skul i stap long hem.
- ✓ Setemap wan komiti we bae i save sapatem yu blong ranem gud pri skul ia.
- ✓ Wokemaot wan bajet blong statem pri skul - tokabaot ol samting ia wetem Kodineta.

Ol samting blong mas kat o mas pem:

- Mane blong bildim mo mentenem pri skul.
- Putum fanis blong sekiuriti blong ol pikinini.
- Pem tebol, jea, mo kapbod
- Mane blong pem tija
- Hemi impoten blong save hamas fi bae yu jajem long wan pikinini
- Mane blong pem ol ekwipmen mo pleplei

Bai i kat fi tu blong pem long Vanuatu Eli Jaelhud Asosiesen (VEJA)-hemia i fi blong membasip mo fi blong konfrens mo woksop.

STEP 5: Bildim pri skul blong yu

- ✓ Bildim pri skul folem plan blong MOE o yu faenem wan ples we i stret blong yu save mekem i kam wan kwaliti ples blong lan insaed mo aotsaed. Askem wan Kodineta o Ki Tija blong kam luk ples o haos blong pri skul mo bae hemi save kivim sam advaes blong wanem yu save mekem blong mekem i folem gud Polisi Gaedlaen.
- ✓ Sipos i kat wan Praemeri skul klosap, i mo gud yu bildim pri skul blong yu insaed long yad blong skul ia o klosap long skul ia.
- ✓ Taem yu stap bildim pri skul, oltaem tingabaot ol pikinini we oli kat ol disabiliti, mo mekem sua se i isi blong pikinini ia i save muv olbaot.

STEP 6: Yu mas tekem tija nomo we i kasem trening finis

- ✓ Tija we bae i bos long ol prokram blong pri skul i mas kat wan Eli Jaelhud setifiket we MOE i luksave. Wok ia i wan impoten wan, mo man o woman we i holem wok ia i mas kat ol gud fasin blong save wok wetem ol smol pikinini.
- ✓ Yu mas tingabaot fastaem wanem nao ol wok bae tija ia i mas save mekem. Yu no fraet blong askem help blong ol man we oli save gud long ol smol smol pikinini olsem. Maet

tija ia i mas laekem ol pikinini, hemi mas kat long fala tingting, i kat komitmen mo i save toktok gud wetem ol perens. Sipos ol pikinini i mas kaekae long pri skul, yu mas tekem wan nara man blong stap kuk nomo.



Step 7: **Mas kat ol tebol, jea mo ol ekwipmen**

- ✓ Ol fenija i mas stret saes blong ol pikinini (smol tebol mo jea)
- ✓ I mas kat klin mat blong pikinini i stap sitdaon long hem.
- ✓ I mas kat plante difren kaen samting we ol pikinini i save usum o pleplei wetem blong mekem hemi wantem lan. Usum plante ol lokal materiol, no westem mane blong pem ol pleplei we i save nogud kwik taem.

Eria blong pleplei aotsaed:

- Eria aotsaed long pri skul i mas kat inaf spes mo i mas sef blong pikinini i stap pleplei long hem.
- Wan gudfala pri skul (model) i mas kat ples blong klaem. I mas kat ol swing, mo ples blong wota mo sanbis (luk annex long EJKE Polisi)
- I no mas kat ol wud o flaoa we i posen. I mas kat ol wud we oli kivim sed long ol pikinini espesili long ples blong pleplei wetem sandbis.
- I gud blong kat ol ekwipmen we yu save muvum ko long difren ples. I mas kat inaf ples blong pikinini i save resis olbaot.
- Hemi impoten tumas tu se eria blong pri skul i mas kat fanis i raonem mo i kat wan get blong blokem ol pikinini i no save ronwei.



Oi Swing



Ples blong klaem i kat selta long hem.

STEP 8: Ol fasin blong wok

- ✓ Provinsol Pri Skul Kodineta o Ki Tija o ZCA i save givhan blong helpem yu setemap wan gudfala sistem blong wok long saed blong:
 - *Faenens (mane)*
 - *Tekem ol nem blong ol pikinini, mo rol kol*
 - *Kipim ol stret rikod blong laesensem pri skul*
 - *Mekem ripot blong wanwan pikinini blong givim long ol perens*
 - *Polisi mo fasin blong wok long pri skul*
 - *Mekem ol ripot long ol wok blong pikinini mo tija*
 - *Fasin blong sapotem wok we tija i stap mekem.*

STEP 9: Ol impoten risos blong kat insaed long wan pri skul

- Kindabuk
- Kerikulum
- Tija folda
- Ol posta mo leaflet blong awenes
- Buk blong rejistrem ol pikinini
- Atendens buk
- Ol stori buk
- Ol laning risos mo ol pleplei



Wan bikfala stoa insaed long kiaman kona

STEP 10: **Askem wan laesens fom**

- ✓ Askem wan fom blong laesensem pri skul blong yu 30 dei bifo pri skul ia i open. Bae wan Kodineta, Ki Tija o ZCA i ko jekem pri skul blong yu fastaem blong talem sipos yu rere blong fulumap wan rejistresen fom.

Probation Laesens (Laesens blong smol taem)

Fas laesens wan Pri skul bae i kasem hem i wan "provisonal laesens", hemia i dipen nomo long taem ol ofisa i kam lukluk pri skul blong yu.

Bai mifala i talem yes mo kivim wan laesens blong yu save wok folem nomo sipos yu mitim olgeta poen we i stap long rejistresen fom.

Laesens ia i blong tri (3) manis nomo blong givim inaf taem blong yu fiksimap o leftemap standet blong pri skul blong yu. Sipos yu apgredem pri skul blong yu kasem ol poen long rejistresen fom bae mifala i save kivim wan stret laesens stretawei.

Provincial Pri Skul Kodinator/ ZCA or / Ki Tija bae I mekem namba tu inspeksen blong hem bifo wan yia i pas . Risen blong visit ia i blong jekem sipos:

- Ol samting long saed blong edukesen blong pikinini we i stap insaed long rejistresen yu folem gud (lukluk long EJKE Polisi)
- Ol fasin blong administresen mo manejmen blong i stret.
- Pri Skul ia i stap wok gud nomo.

Sipos wan senta i mov ko long wan niu ples, bai senta ia i ko bak blong holem wan provisonal laesens fastaem(laesens blong smol taem nomo) Taem MOE i save se senta ia i mekem ol samting we i stap long EJKE polisi bai taem ia nao mifala i save kivim wan laesens blong letem yu wok ful wan.



Ol Okenaesen we **ROL** blong olgeta
i blong helpem yu blong statem
wan Pri - Skul o wan Kindagaten.

Ministri Blong Edukesen / Ofis blong PEO

- Divelopem ol polisi we i kavremap everi eria blong edukesen
- I Apruvum mo kivim laesens.
- I kat raet blong no kivim laesens long wan Pri Skul
- I Kivim Setifiket long ol tija we oli kasem trening finis.
- Kivim advaes long ol tingting blong Eli Jaelhud.
- I kat ol infomesen long saed blong nesonal mo intanesonal sevis long saed blong Eli Jaelhud Edukesen.
- Raetem, divelopem mo kivimaot ol risis blong Eli Jaelhud olsem- materiol blong awenes, mo local stori buk.
- Kivim profesonal help long ol tija we oli wok long wan pri skul we I kasem rejistresen blong sapotem ol prokram blong olgeta.

- Kat ol infomesen mo data long ol Eli Jaelhud sevis long Vanuatu.

Vanuatu Eli Jaelhud Asosiesen (VEJA)

- I stap olsem wan watj dog long saed blong everi samting we I abaot Eli Jaelhud.
- Ranem ol trening wetem ol Provinsal Kodineta mo ol tija blong leftemap ol skil mo save blong olgeta long saed blong Eli Jaelhud divelopmen (EJD).
- Givim advaes long Eli Jaelhud divelopmen.
- I kat wan strong netwok i stap long Vanuatu.
- I stap hole mol bikfala dei long kaontri olsem Kindi Dei blong leftemap save awenes long saed blong EJD.

SAVE THE CHILDREN (SCA)

- Givim sapot long ol prokram long Shefa, Malampa mo Sanma Provins.
- Givim faensol sapot long VEJA mo MOE blong saoptem ol trening mo ol prokram.
- Givim sapot blong divelopem ol materiol blong awenes mo blong promotem EJD.

PEACE CORPS

- Givim sapot long ol tija long Provins.

VOLUNTEER SERVICE ABROAD(VSA)

- Capacity building- wok along saed long tija mo Kodineta blong givim save mo bildimap skil blong olgeta.

WORLD VISION

- ❖ Bildim sam pemanen pri skul long sam komuniti.
- ❖ Givim wota tank long sam pri skul.
- ❖ Triam blong helpem ol hom bes prokram.